

富春朱氏宗譜

重輯宋氏宗譜序

家之有譜猶國之有史也史載歷代之興亡政治之得失俾後世垂爲殷鑑譜載一家之源流祖宗之德澤使子孫追念孝思其體異而用意同也天子之譜曰玉牒公侯之譜曰世家大夫士庶之譜曰家乘等級攸分所以別貴賤明體制也按朱氏大明爲帝名之玉牒可也徽國封公名之世家亦可也第帝王榮貴尊在一朝道學源淵流傳萬古予每見朱氏宗祠文公當前朱氏宗譜文公首列婺源世澤直與天地鼎立明室王跡而今安在哉吾鄉雙溪朱氏村是毘連誼屬舊戚予先高祖元順公以純孝沐旌表孝婦宋太宜人實助成之蓋太宜人者係雙溪宋氏五世祖華公之女府縣志乘載之

彰彰兩姓宗譜若合符節今秋朱氏重修宗譜嫻長振
盛啓釗等延予纂輯予本不文何以肩此辭之不獲濫
竽充數爰查閱前譜雙溪朱氏係出紹之餘姚龍泉山
以正秦公爲發源祖傳十二世至孔方公於明萬厯間
由龍泉山遷居富春大源之雙溪村而世居焉是爲雙
溪村朱氏始遷祖厥後二子發祥四房衍慶如竹之苞
如松之茂瓜瓞綿綿於今已遞傳十一世矣至其宗譜
於前清道光十七年始輯之同治九年再輯之光緒十
五年及三十一年又再輯之其前世系源流支派行傳
舊譜已詳予亦不復爲之釐定第自光緒三十一年以
至於今相距二十七載其間世系之增行傳之加與夫
生卒葬厝嫁娶承祧諸大端與羅山耕雲氏參互考訂

悉心擘劃然後付印以照慎重其舊譜間畧有訛謬處
予能鑑及者復爲更正之又根據御批通鑑及杭州府
志刊列文公封諡傳讚其族人之克孚鄉望與熱心祠
譜者爲之列讚列傳俾垂後世以爲矜式然予於斯譜
重有感矣查雙溪朱氏僅數十家其族人皆以務農造
紙爲恆業又無巨富爲之後盾而乃於民國十七年間
新建宗祠優觴告廟予列親末躬與盛典今又修輯宗
譜不殫勞瘁當此道德淪亡邪說流行之會而竟能追
念祖德緬懷孝思建祠修譜次第舉行使之化行族美
砥柱中流其亦文公家法有以昭垂歟予欽仰之至沐
手敬爲之序

時

維

民國二十年歲在辛未孟冬之吉

浙江法政學校畢業曾任本省警務處諮議官

嫻再晚蔣 銓九賢氏拜序

族長 秉源

房長 秉湖 振盛

啓銀 啓釗

董事 啓汶 啓運

啓沅 啓明

啓善 啓道

啓滿 佑年

朱氏重修宗譜序

家猶國也自封建亡而宗法廢久矣夫天下之無世家也然宗法雖廢所賴以紀先烈示後昆者曰有譜牒存焉耳而人往往以餽羊視之豈知家之有譜猶國之有史也史以紀一國之政譜非以紀一家之政也乎是譜之所係誠重也余於雙溪宋氏譜深有慨焉自孔方公以來綿綿以迄於今數百餘載世緒來裔固非易易稽厥後子姓繁名字紊婚嫁衍姻黨叢生卒葬瑩爲之前者旣無可稽則爲之後者詎盡無稽乎第思世系之久遠大宗小宗之義不明則敦宗睦族之情缺甚非先世垂裕後昆之意也昔楚越王問畫士之難易士曰畫龜鴛易畫猿鶴難以習見與罕見也史與譜何以異耳然

則史之爲也易而譜之爲也難故宗儒論影堂曰倘一
毫不似吾父卽非吾父且譜卽畫也其可以不似乎抑
譜有三善事覈則信義嚴則公例明則辨覈也嚴也明
也譜其成矣俾後之孝子慈孫顯祖德而思顯揚覽家
乘而不忘親睦得不謂此舉無關於風教也哉朱氏與
余同宗之誼故因其請爰謹筆而爲之序

中華民國二十年歲次辛未孟冬之吉

宗晚耕雲一農氏拜撰

目錄

宋氏宗譜序

重修宗譜序

續修宗譜序

朱氏重修宗譜序

格言

文公謚封

御讚

文公讚

文公像

孔方公像

譜例

家訓

鄉會試題名錄

村居圖

墓圖

祠堂記

告圓宗祠祭文

文公傳

東山公傳

孔方公傳

應蛟公傳

應宿公傳

其浩公傳

嘉顏公傳

邦惠公傳

邦成公傳

邦廷公傳

邦和公傳

邦相公傳

秉禮公傳

錦林公行述

嘉春公行述

邦廷公行述

邦相公行述

邦琴公行述

邦朝公行述

振誼公行述

秉源公行述

振盛公行述

其松公贊

邦梁公贊

邦興公贊

邦增公贊

邦成公贊

邦琴公贊

邦恆公贊

邦朝公贊

邦英公贊

邦相公贊

振誼公贊

秉榮公贊

秉湖公贊

秉咸公贊

振讓公贊

啓釗公贊

啓緒公贊

啓汶公贊

啓道公贊

啓善公贊

鼎位公墳山禁約

世系引

外組源流

餘姚龍泉世系圖

字母圖

世系圖

行傳引

行傳

式穀小引

式穀派行傳

譜餘

重修朱氏宗譜序

先王錫之土以立國卽賜之姓以立宗所以別親疎聯
支庶不忘人道之大本也其法藏諸太史掌諸宗伯自
封建變而世卿廢宗法久已不立士大夫恐先緒之湮
沒宗黨之散離因各著世系於其家此宗譜之所由作
也雖僻壤編氓稍知孝思者無不欲求祖宗之所自出
況名門舊族而欲尊祖敬宗敦本睦族舍諸譜牒將何
以哉昔人每以家譜與國史並稱而更喻以木本水源
此譜牒之所以宜重也然使前人作之而後人忽之雖
有譜不等於無譜耶今雙溪朱族有鼎雲其松邦梁邦
興諸翁將其先世家乘委予修輯猗歟休哉非有家之
先務歟閱其世系自餘姚龍泉山分遷源流支派舊籍

已詳無容贅述第自孔方公始居以來迄今已有九世
矣誠恐代遠年湮莫可稽查時久則難稽年遠則易忘
今閱舊牒修輯雖不一其次但從前俱係繕寫皆從筆
手或有或無或多或寡或易前而列後或宜大而忽不
參差不齊概難悉數今則易以削刷一遵歐蘇之遺式
書行書諱書字書生嫁娶卒葬嗣續繼適且標各房長
次於系圖之上註各派分支於本宗之先有則皆有無
則俱無支分派別燦若列星較之從前不無小補然予
之從事於此畧文而尙質因簡而省繁惟宗朱族賢達
之意爲之別親疎定昭穆分支派已耳至於孰賢孰否
宜抑宜尊予則何敢臆斯譜之修其亦有志於尊祖敬
宗敦本睦族者之所爲朱氏之子孫不將見本深而枝

益茂源遠而流愈長哉予不揣謏陋因援筆而爲之序

昔

道光十七年歲次丁酉冬月

暨邑南屏楊鯨波撰并纂

